

摘藻堂四庫全書薈要

經部

欽定四庫全書會要卷一千七百七十四

經部

日講春秋解義卷四十九

昭公

六年春王正月杞伯益姑卒

左傳六年春王正月杞文公卒弔如同盟禮也

晉平公杞出也故命魯歸其侵地有未盡者復以讓魯今杞以喪赴而魯會其葬畏晉故也杞復稱伯豈平公厚其母家為請於王而復之與

葬秦景公

秦始皇始書葬

左傳大夫如秦葬景公禮也

合士弔大夫送葬之禮

附錄左傳三月鄭人鑄刑書

鑄刑書于鼎以爲國之常法

叔向使詒子

產書曰始吾有虞于子

虞度也言準度子產以爲己法

今則已矣昔

先王議事以制不爲刑辟懼民之有爭心也

臨事制刑不豫

設法也法豫設則民知爭端

猶不可禁禦是故閑之以義糾之以

政行之以禮守之以信奉之以仁制爲祿位以勸其

從

勸從教

嚴斷刑罰以威其淫懼其未也故誨之以忠

聳之以行

聳懼也

教之以務

時所急

使之以和

說以

臨之

以敬涖之以強斷之以剛

義斷恩

猶求聖哲之上明察

之官

上公王也官卿大夫也

忠信之長慈惠之師民于是乎可

任使也而不生禍亂民知有辟則不忌于上

權移于法故民

不畏

並有爭心以徵于書而徵幸以成之

因危文以生爭緣徵

幸以成其巧偽

弗可為矣夏有亂政而作禹刑商有亂政而

作湯刑周有亂政而作九刑

言不能議事以制

三辟之興皆

叔世也今吾子相鄭國作封洫

在襄三

立謗政

作丘賦在

四制參辟鑄刑書

制參辟謂用三代之末法

將以靖民不亦難乎

詩曰儀式刑文王之德日靖四方

詩周頌言文王以德為儀式故能日

有安靖四方之功刑法也

又曰儀刑文王萬邦作孚

詩大雅言文王作儀法為

天下所孚信也

如是何辟之有

言惟以德與信不以刑也

民知爭端矣將

棄禮而徵于書錐刀之末將盡爭之

錐刀末喻小事

亂獄滋

豐賄賂並行終子之世鄭其敗乎胥聞之國將亡必

多制

數改法

其此之謂乎復書曰若吾子之言僑不才

不能及子孫吾以救世也既不承命敢忘大惠

以見歲戒

為士文伯曰火見鄭其火乎

火心星也周五月昏見

火未出而

作火以鑄刑器藏爭辟焉火如象之不火何為

象類也同

氣相求火未出而用火相感而致災

夏季孫宿如晉

左夏季孫宿如晉拜莒田也

謝前年受牟夷邑不見討

晉侯享之

有加籩

籩豆之數多于常禮

武子退使行人告曰小國之事大

國也苟免于討不敢求貺得貺不過三獻

周禮大夫三獻今

豆有加下臣弗堪無乃戾也韓宣子曰寡君以為驩

也對曰寡君猶未敢況下臣君之隸也敢聞加貺固請徹加而後卒事晉人以為知禮重其好貨

宿受牟夷叛邑時公在晉莒愬於晉公幾見止故宿如晉拜莒田自比於晉隸足恭以媚晉重自託以傾其君此公數如晉所以拒而不納也

葬杞文公

宋華合比出奔衛

左傳

宋寺人柳有寵

有寵于平公

太子佐惡之華合比曰我

殺之柳聞之乃坎用牲埋書

詐為盟處

而告公曰合比將

納亡人之族

亡人華臣也襄十七年奔衛

既盟于北郭矣公使視

之有焉遂逐華合比合比奔衛于是華亥欲代右師

亥合比弟

乃與寺人柳比從為之徵曰聞之久矣公使代

之

代合比為右師

見于左師

向戌

左師曰女夫也必亡

夫謂華亥

女

喪而宗室于人何有人亦于女何有詩曰宗子維城

母俾城壞母獨斯畏

詩大雅言宗子之固若城俾使也

女其畏哉

為二

十年華亥
出奔傳

宋平公既以伊戾之譖殺世子佐又以柳之譖逐
華合比前後愼謀如出一轍然非向戌為伊戾徵
華亥為柳徵平公猶未必深信而不疑以至絕父
子之恩睽君臣之義也閹寺禍人國家必廷臣與
之合其姦乃必售伊柳戌亥之覆轍可不戒哉

附錄
左傳

六月丙戌鄭災

終士文
伯之言

楚公子棄疾如晉報

韓子也

報前年
送女

過鄭鄭罕虎公孫僑游吉從鄭伯以

勞諸相

相杜注
鄭地

辭不敢見固請見之見如見王

見鄭
伯如

見楚王言棄以其乘馬八匹私面私見見子皮如上

疾恭而有禮

鄭伯

卿如見以馬六匹見子產以馬四匹見子大叔以馬

楚卿

二匹禁芻牧採樵不入田不犯田種不樵樹不采蓺蓺種也

不抽屋不强勾誓曰有犯命者君子廢小人降舍不

為暴主不恩賓恩患也往來如是鄭三卿皆知其將為

王也三卿罕虎公孫僑游吉韓宣子之適楚也楚人弗逆公子

棄疾及晉竟晉侯將亦弗逆叔向曰楚辟我衷辟邪也衷

也正若何效辟詩曰爾之教矣民胥效矣詩小雅言從上教下效

我而已焉用效人之辟書曰聖作則

逸書則法也

無寧以

善人為則而則人之辟乎匹夫為善民猶則之況國

君乎晉侯說乃逆之

傳言叔向知禮

秋九月大雩

左傳秋九月大雩旱也

楚薳罷帥師伐吳

左傳徐儀楚聘于楚

儀楚徐大夫

楚子執之逃歸懼其叛也

使薳洊伐徐

薳洊楚大夫

吳人救之令尹子蕩帥師伐吳

師于豫章而次于乾谿

豫章當在江北淮水南乾谿杜注在譙國城父縣南今江

南亳州東南有乾谿與城父村相近

吳人敗其師于房鍾

房鍾杜注吳地當在今壽

州蒙城縣界

獲宮廩尹棄疾

闕韋龜之父

子蕩歸罪于蘧洩而

殺之

不以敗告故不書

楚頻年伐吳終未能得志故自是以後遂舍吳而

肆毒於陳蔡也

冬叔弓如楚

左冬叔弓如楚聘且弔敗也

弔為吳所敗

魯遠於楚而婚於吳遂不與申之會至是震楚兵
威故使弓先聘而明年遂朝之也

齊侯伐北燕

左傳十一月齊侯如晉請伐北燕也士匄相士鞅逆諸

河禮也

士匄晉大夫
或作王正

晉侯許之十二月齊侯遂伐北

燕將納簡公

簡公北燕伯
三年出奔齊

晏子曰不入燕有君矣民

不貳吾君賄左右諂諛作大事不以信未嘗可也

明為

年豎齊
平傳

晉人納捷菑於邾非正也而能以義自反故特書
不克納以著其遷善改過之美齊侯納北燕伯正
也而終以賂止故第書伐燕而不書不克納以示
其本無定燕之心惟恃彊以陵弱耳

七年春王正月暨齊平

左傳

七年春王正月暨齊平齊求之也癸巳齊侯次于

號

號杜注燕竟當在今直隸滄州界

燕人行成曰敝邑知罪敢不聽

命先君之敝器請以謝罪公孫皙曰

皙齊大夫

受服而退

俟釁而動可也二月戊午盟于濡上

濡上杜注濡水出高陽縣東北

至河間鄭縣入易水當在今直隸安州任邱之間

燕人歸燕姬賂以瑤璫玉

續瑁耳

瑤玉也續璫也瑁耳玉爵

不克而還

穀梁傳

平者成也暨猶暨暨也暨者不得已也以外及

內曰暨

我所欲曰及不得已曰暨是時昭公結昏彊吳無汲汲附齊之意其與齊平乃齊求於魯故曰暨至定公八年魯再侵齊結怨大國懼而請平乃魯求

於齊故曰及也左傳齊求之也乃正解魯暨齊平之義後乃及齊燕之事而杜氏預遂謂燕暨齊平誤矣書暨齊平正與及齊平及鄭平之文同且叔孫婼旋如齊涖盟則此為內平審矣若外平則當用宋人及楚人平之例

附錄左傳

楚子之為令尹也為王旌以田

析羽為旌王旌游至于軫

尹無宇斷之曰一國兩君其誰堪之及即位為章華

之宮

章華杜注南郡華容縣今湖廣監利縣東有華容城

納亡人以實之無宇

之闔入焉

有罪亡入
章華宮

無宇執之有司弗與曰執人于

王宮其罪大矣執而謁諸王

執無字也

王將飲酒無宇辭

曰天子經略

經營天下略有四海故曰經略

諸侯正封

封疆有定分

古之

制也封略之內何非君土食土之毛誰非君臣

毛草也

故詩曰普天之下莫非王土率土之濱莫非王臣

詩小

雅濱
涯也

天有十日

甲至癸

人有十等

王至臺

下所以事上上

所以共神也故王臣公公臣大夫大夫臣士士臣阜
阜臣輿輿臣隸隸臣僚僚臣僕僕臣臺馬有園牛有

牧

養馬曰圉
養牛曰牧

以待百事今有司曰女胡執人于王宮

將焉執之周文王之法曰有亡荒閱

荒大也閱蒐也
有亡人當大蒐

其所以得天下也吾先君文王作僕區之法

僕區刑書名

曰盜所隱器

隱盜所得器

與盜同罪所以封汝也

行善法故能啟

疆北至汝水

若從有司是無所執逃臣也逃而舍之是無

陪臺也

言皆將逃

王事無乃闕乎昔武王數紂之罪以告

諸侯曰紂為天下逋逃主萃淵藪

萃集也天下逋逃
悉以紂為淵藪集

而歸之

故夫致死焉

人欲致死討紂

君王始求諸侯而則紂無

乃不可乎若以二文之法取之盜有所在矣

言王亦為盜

王曰取而臣以往盜有寵未可得也

盜有寵靈王自謂

遂赦

之

為葬靈王張本

三月公如楚

左傳楚子成章華之臺

臺杜注在華容城內今監利縣北有章華臺

願與諸

侯落之

宮室始成祭之為落

大宰遽啟彊曰臣能得魯侯遽啟

彊來召公辭曰昔先君成公命我先大夫嬰齊曰吾

不忘先君之好將使衡父照臨楚國

衡父鎮撫其社

公衡

稷以輯寧爾民嬰齊受命于蜀

蜀盟在成二年

奉承以來弗

敢失隕而致諸宗祧曰我先君共王引領北望日月

以冀

冀魯朝

傳序相授于今四王矣

四王共康邦教及靈王

嘉惠

未至唯襄公之辱臨我喪

襄公二十八年如楚弔康王喪

孤與其二

三臣悼心失圖

在哀喪故

社稷之不皇況能懷思君德

皇暇

也言有大喪多不暇

今君若步玉趾辱見寡君寵靈楚國以信

蜀之役致君之嘉惠是寡君既受貺矣何蜀之敢望

言不敢望如其先君鬼神實嘉賴之豈唯寡君君若

蜀復有質子

不來使臣請問行期

問魯見
伐之期

寡君將承質幣而見于

蜀以請先君之貺公將往夢襄公祖

祖祭
道神

梓慎曰君

不果行襄公之適楚也夢周公祖而行今襄公實祖

君其不行子服惠伯曰行先君未嘗適楚故周公祖

以道之襄公適楚矣而祖以道君不行何之三月公

如楚鄭伯勞于師之梁

鄭城門

孟僖子為介不能相儀

僖子仲
孫纘

及楚不能答郊勞

為下僖子病不
能相禮張本

據左氏楚子成章華之臺願與諸侯落之而遽啟

彊自謂能得魯侯蓋知季孫擅國魯君若寄生聞
楚有命季氏必迫公以出而不敢違若宋衛之君
尚能專有其國恐馳詞執禮以抗非義之請而不
赴則楚威為之頓也

叔孫婁如齊涖盟

婁公羊作
舍後同

穀梁涖位也內之前定之辭謂之涖外之前定之辭

謂之來

夏四月甲辰朔日有食之

左傳夏四月甲辰朔日有食之晉侯問于士文伯曰誰

將當日食對曰魯衛惡之衛大魯小公曰何故對曰

去衛地如魯地

衛地豕韋也魯地降婁也日食于豕韋之未及降婁之始乃息故禍在衛

大在魯小也周四月今二月故日在降婁

于是有災魯實受之

災發于衛而魯受其

餘禍其大咎其衛君乎魯將上卿

八月衛侯卒十一月季孫宿卒

公曰

詩所謂彼日而食予何不臧者何也

感日食而問詩

對曰不

善政之謂也國無政不用善則自取謫于日月之災

故政不可不慎也務三而已一曰擇人二曰因民三

曰從時

附錄晉人來治杞田

前女叔侯不盡歸今公適楚晉人恨故復來治

季孫將

以成與之

成孟氏邑本杞田

謝息為孟孫守不可

謝息僖子家臣

曰

人有言曰雖有挈餅之知守不假器禮也

挈餅汲者喻小知為

人守器猶知不以借人

夫子從君

夫子謂孟僖子從公如楚

而守臣喪邑雖

吾子亦有猜焉

言季孫亦將疑我不忠

季孫曰君之在楚于晉

罪也又不聽晉魯罪重矣晉師必至吾無以待之不

如與之閒晉而取諸杞吾與子桃

桃杜注魯國卞縣東南有桃虛成

反誰敢有之是得二成也魯無憂而孟孫益邑子何

病焉辭以無山與之菜柞

菜柞杜注二山

乃遷于桃

謝息遷也

晉

人為杞取成

楚子享公子新臺

章華臺也

使長鬣者相

鬣鬣也欲先夸魯侯

好以大屈

宴好之賜大屈弓名

既而悔之遂啟疆聞

之見公公語之拜賀公曰何賀對曰齊與晉越欲此

久矣寡君無適與也而傳諸君君其備禦三鄰

齊晉越

慎守寶矣敢不賀乎公懼乃反之

傳言楚靈不信所以不終

鄭

子產聘于晉晉侯有疾韓宣子逆客私焉曰寡君寢

疾于今三月矣並走羣望

晉所望祀山川皆走往祈禱

有加而無

廖今夢黃熊入于寢門其何厲鬼也對曰以君之明

子為大政其何厲之有昔堯殛鯀于羽山

羽山杜注在東海祝

其縣西南今山東沂州東有山高四里其西為羽淵

其神化為黃熊以入于羽

淵實為夏郊三代祀之

鯀禹父夏郊祭之歷殷周二代又通在羣神之數並見祀

晉為盟主其或者未之祀也乎韓子祀夏郊晉侯有

閒賜子產莒之二方鼎

莒所貢

子產為豐施歸州田于

韓宣子

豐施鄭公孫段之子三年晉以州田賜段此年正月段卒

曰日君以夫公

孫段為能任其事而賜之州田今無祿早世不獲久
享君德其子弗敢有不敢以聞于君私致諸子宣子

辭子產曰古人有言曰其父析薪其子弗克負荷

荷擔

也以微薄
喻貴重

施將懼不能任其先人之祿其況能任大

國之賜縱吾子為政而可後之人若屬有疆場之言

敝邑獲戾而豐氏受其大討吾子取州是免敝邑于

戾而建置豐氏也敢以為請宣子受之以告晉侯晉

侯以與宣子宣子為初言

初言謂與趙
文子爭州田

病有之以易

原縣于樂大心

樂大心宋大夫原晉邑以賜樂大心

鄭人相驚以伯

有曰伯有至矣

襄十三年鄭人殺伯有言其鬼至

則皆走不知所往

鑄刑書之歲二月

在前年

或夢伯有介而行曰壬子余

將殺帶也

馬帶助子皙殺伯有壬子六年三月三日

明年壬寅余又將殺

段也

公孫段豐氏黨壬寅此年正月二十八日

及壬子馬帶卒國人益懼

齊燕平之月

此年正月

壬寅公孫段卒國人愈懼其明月

子產立公孫洩及良止以撫之乃止

公孫洩子孔之子也襄十九年

鄭殺子孔良止伯有子也立以為大夫使有宗廟

子大叔問其故子產曰鬼

有所歸乃不為厲吾為之歸也大叔曰公孫洩何為

子孔不為厲問何為復立洩

子產曰說也為身無義而圖說

伯有無義

以妖鬼故立之恐惑民並立洩使若自以大義存誅絕之後者以解說民心從政有所反

之以取媚也

民不可使知之故治政或當反道以求媚于民

不媚不信

說而後信

之不信民不從也及子產適晉趙景子問焉

景子晉中軍佐

趙成曰伯有猶能為鬼乎子產曰能人生始化曰魄

魄形

也既生魄陽曰魂

陽神氣也

用物精多則魂魄彊

物權勢

是

以有精爽至于神明

精者神之未著爽者明之未昭

匹夫匹婦彊死

彊死不病也其魂魄猶能馮依于人以為淫厲況良霄我

先君穆公之胄子良之孫子耳之子敝邑之卿從政
三世矣鄭雖無腆抑諺曰蕞爾國而三世執其政柄
其用物也弘矣其取精也多矣其族又大所馮厚矣
而彊死能為鬼不亦宜乎傳言子產之博敏子皮之族飲

酒無度故馬師氏與子皮氏有惡馬師氏公孫鉏之子罕朔也襄三十

年馬師頡出奔公孫鉏代齊師還自燕之月在此年

為馬師與子皮俱同一族二月罕朔殺罕魍魍子罕朔奔晉韓宣子問其位于子產

問朔可使
在何位

子產曰君之羈臣苟得容以逃死何位之

敢擇卿違從大夫之位

謂以禮去者
降位一等

罪人以其罪降

罪重則
降多

古之制也朔于敝邑亞大夫也其官馬師也

大夫位
馬師職

獲戾而逃唯執政所寘之得免其死為惠大

矣又敢求位宣子為子產之敏也使從嬖大夫

為子
產故

使降一等
不以罪降

秋八月戊辰衛侯惡卒

左傳秋八月衛襄公卒晉大夫言于范獻子曰衛事晉

為睦晉不禮焉庇其賊人而取其地

賊人孫林父其地戚也

故

諸侯貳詩曰鵙鵙在原兄弟急難

詩小雅鵙鵙難渠也飛則鳴行則搖

喻兄弟相救于急難不可自舍

又曰死喪之威兄弟孔懷

威畏也言有死喪則

兄弟宜相懷思

兄弟之不睦于是乎不弔

不相弔恤

况遠人誰敢

歸之今又不禮于衛之嗣衛必叛我是絕諸侯也獻

子以告韓宣子宣子說使獻子如衛弔且反戚田衛

齊惡告喪于周且請命王使成簡公如衛弔

簡公王卿士

且追命襄公曰叔父陟恪在我先王之左右以佐事

上帝余敢忘高圉亞圉

二國周之先為殷諸侯亦受殷王追命者

穀梁傳

鄉曰衛齊惡

在元年

今日衛侯惡此何為君臣同

名也君子不奪人名不奪人親之所名重其所以來

也王父名子也

不奪人名謂親之所名明臣雖欲改君不當聽也君不聽臣易名者欲使

重父命也父受命名于王父王父卒則聽王父之命名之

九月公至自楚

左傳九月公至自楚孟僖子病不能相禮

不能相儀答郊勞以此為

已病乃講學之苟能禮者從之及其將死也

二十四年孟僖子卒

傳終言之召其大夫曰禮人之榦也無禮無以立吾聞將

有達者曰孔丘

僖子卒時孔丘年三十五

聖人之後也

聖人殷湯

而滅

于宋

孔子六代祖孔父嘉為宋督所殺其子奔魯

其祖弗父何以有宋而

授厲公

弗父何孔父嘉之高祖宋閔公之子厲公之兄何適嗣當立以讓厲公

及正考

父

弗父何曾孫

佐戴武宣

皆宋君

三命茲益共

三命上卿言位高益共

故其鼎銘云一命而僂再命而僂三命而俯

俯共于僂僂共

于僂循牆而走

言不敢安行

亦莫余敢侮饁于是鬻于是以

餬余口

于是鬻中為饁鬻饁鬻餬屬言至儉

其共也如是臧孫紇有言

曰聖人有明德者若不當世

不當大位謂正考父

其後必有達

人今其將在孔丘乎我若獲沒必屬說與何忌于夫

子使事之

說南宮敬叔何忌孟懿子皆僖子之子

而學禮焉以定其位

知禮則位安

故孟懿子與南宮敬叔師事仲尼仲尼曰能

補過者君子也詩曰君子是則是效

詩小雅

孟僖子可

則效已矣

公如楚必致危之故以告於廟也

附錄左傳

單獻公棄親用羈

獻公周卿士單靖公之子頃公之孫羈寄客也

冬十

月辛酉襄頃之族殺獻公而立成公

襄公頃公之父成公獻公弟

冬十有一月癸未季孫宿卒

左傳

十一月季武子卒晉侯謂伯瑕曰

伯瑕士文伯

吾所問

日食從矣可常乎

衛侯武子皆卒故

對曰不可六物不同

各異

時

民心不壹

政教殊

事序不類

有變易

官職不則

治官居職非一

法

同始異終胡可常也詩曰或燕燕居息或惓惓事

國

詩小雅言不同

其異終也如是公曰何謂六物對曰歲時

日月星辰是謂也公曰多語寡人辰而莫同

如北辰大辰之

類其義

何謂辰對曰日月之會是謂辰故以配日

以謂

莫同

子丑配

甲乙

自季友至行父雖專魯國臣節尚無顯悖至宿則
乘君幼而分其民據其土稱兵邦域招納叛人謫
事霸國深結彊家以閒阻其君襄公自楚歸至不
敢入他日意如逐君乃宿之遺謀耳

十有二月癸亥葬衛襄公

左傳 衛襄公夫人姜氏無子

姜氏宣姜

嬖人嬖始生孟縶孔

成子夢康叔謂已立元

成子衛卿孔達之孫烝鉏也元孟絜弟夢時元未生

余

使羈之孫圉與史苟相之

羈烝鉏子史朝亦夢康叔

謂已余將命而子苟與孔烝鉏之曾孫圉相元史朝

見成子告之夢夢協晉韓宣子為政聘于諸侯之歲

在二嫫始生子名之曰元孟絜之足不良弱行也

成子以周易筮之曰元尚享衛國主其社稷

令著辭

屯




震下坎上屯

又曰余尚立絜尚克嘉之

嘉善也

遇屯





坤下坎上比屯初九爻變

以示史朝史朝曰元亨

又何疑焉

周易曰屯元亨

成子曰非長之謂乎

言屯之元亨謂年長非謂

名對曰康叔名之可謂長矣孟非人也將不列于宗

不可謂長且其繇曰利建侯

繇卦辭

嗣吉何建

嗣子有常位故

無所建

建非嗣也二卦皆云

謂再見屯卦皆有建侯之文

子其建之

康叔命之二卦告之筮襲于夢武王所用也弗從何

為

大誓曰朕夢協朕卜襲于休祥戎商必克此武王辭

弱足者居

跛則偏弱居其家不能行

侯主社稷臨祭祀奉民人事鬼神從會朝又焉得居

各以所利不亦可乎

孟跛利居元吉利建

故孔成子立靈公

靈公

元也十二月癸亥葬衛襄公

八年春

附錄左傳

八年春石言于晉魏榆

魏榆杜注晉地今山西榆次縣西北有故城通

典曰晉魏榆邑也

晉侯問于師曠曰石何故言對曰石不能

言或馮焉

謂有精神憑依石而言

不然民聽濫也

濫失也

抑臣又

聞之曰作事不時怨讟動于民則有非言之物而言

今宮室崇侈民力彫盡怨讟並作莫保其性

性命也

石

言不亦宜乎于是晉侯方築虎祁之宮

虎祁杜注地名在絳西四

十里臨汾水在今山西曲沃縣西

叔向曰子野之言君子哉

子野師曠字

君子之言信而有徵故怨遠于其身小人之言僭而

無徵故怨咎及之詩曰哀哉不能言匪舌是出唯躬

是瘁

詩小雅不能言謂不知言理僭而無信自取瘁病故哀之

哿矣能言巧言如

流俾躬處休其是之謂乎

哿嘉也巧言如流謂言之順叙信而有徵自取安逸

師曠此言緣問流轉終歸于諫故以比巧言如是宮流也當叔向時詩義如此故與今說詩者小異

是宮

也成諸侯必叛君必有咎夫子知之矣

為十年晉侯彪卒傳

陳侯之弟招殺陳世子偃師

左傳哀公元妃鄭姬生悼太子偃師二妃生公子畱

下妃生公子勝二妃嬖畱有寵屬諸司徒招與公子

過招及過皆哀公弟哀公有廢疾三月甲申公子招公子過

殺悼太子偃師而立公子畱

穀梁傳鄉曰陳公子招在元今日陳侯之弟招何也曰

盡其親所以惡招也盡其親謂既稱公子又稱弟兩招先君之公子今君之母弟

下相殺不志乎春秋此其志何也世子云者唯君之

貳也云可以重之存焉志之也諸侯之尊兄弟不得

以屬通其弟云者親之也親而殺之惡也

陳招以介弟為司徒不顧宗社以逞其私殺嫡立庶致楚乘釁以滅陳故不稱公子而變文書弟所以甚招之惡而著陳侯失親親之道也

夏四月辛丑陳侯溺卒

左傳

夏四月辛亥哀公縊

憂恚自殺經書辛丑從赴

陳侯因偃師之變恚而卒則其託畱於公子招所以寵畱而非有殺偃師之心也楚棄疾立公子比

而靈王縊春秋書比弑其君招殺偃師而哀公縊
不書招弑其君何也招方當國不肯以先君之縊
赴舊史承而書之與鄭伯髡頑楚子麇同

叔弓如晉

左傳叔弓如晉賀虢祁也

賀宮成

游吉相鄭伯以如晉亦

賀虢祁也史趙見子大叔曰甚哉其相蒙也可弔也
而又賀之子大叔曰若何弔也其非唯我賀將天下

實賀

言諸侯畏晉非獨鄭

楚成章華之臺而召諸侯以落之晉成虎祁之宮
而諸侯畢賀小國之困敝極矣

楚人執陳行人干徵師殺之

左傳干徵師赴于楚干徵師陳大夫且告有立君公子勝愬之

于楚以招過殺偃師告楚人執而殺之殺干徵師公子畱奔鄭書

曰陳侯之弟招殺陳世子偃師罪在招也楚人執陳
行人干徵師殺之罪不在行人也

穀梁傳稱人以執大夫執有罪也稱行人怨接于上也

陳殺世子罪在於招行人何辜而以為戮乎蓋楚靈因陳亂以為利欲震怖其國而取之故殺人以行其詐耳

陳公子畱出奔鄭

畱書公子是為招所立而猶不敢安於其位故不以偃師之獄歸之

秋蒐于

紅書蒐始此紅杜注魯地沛國蕭縣西有紅亭遠疑蕭縣今屬江南徐州府

左傳秋大蒐于紅自根牟至于商衛革車千乘

根牟杜注魯東

界琅琊陽都縣有牟鄉商杜
注宋地魯西竟接宋衛也

公羊 蒐者何簡車徒也何以書蓋以罕書也

穀梁 正也因蒐狩以習用武事禮之大者也艾蘭以

為防蘭香草也防為田之大限置旃以為轅門周禮通帛曰旃轅門印車以其轅表

門以葛覆質以為檠質榘也檠門中泉葛或作褐流旁握御輦者

不得入流旁握謂車兩轆頭各去門邊空握握四寸也輦挂則不得入門車軌塵塵

出馬候蹄發足相應遲疾相投掩禽旅掩取衆禽御者不失其馳然

後射者能中過防弗逐不從奔之道也戰不逐奔之義面傷

不獻

嫌誅降

不成禽不獻

惡虐幼小

禽雖多天子取三十焉

其餘與士衆以習射于射宮

取三十以共乾豆賓客之庖射宮澤宮

射

而中田不得禽則得禽田得禽而射不中則不得禽

是以知古之貴仁義而賤勇力也

射以不爭為仁揖讓為義

春秋凡五書蒐皆曰大蒐著僭也此傳亦言大蒐

于紅自根牟至于商衛革車千乘而經無大字闕

文也在他公不書惟書於昭定之世何也魯僭大

蒐之禮亦如郊禘之不可勝書惟昭定之際公無

尺土一民而三桓用天子之禮以簡私家之軍實
尤非常之變不赦之惡也

附錄左傳

七月甲戌齊子尾卒子旗欲治其室

子旗藥施

丁丑

殺梁嬰

梁嬰子尾家宰

八月庚戌逐子成子工子車

三子齊大夫子

尾之屬子成頃公子固子工成之弟鑄子車頃公之孫捷

皆來奔而立子良氏之

宰

子良子尾之子高彊也子旗為之立宰

其臣曰

子尾家臣

孺子長矣

孺子謂子

良而相吾室欲兼我也授甲將攻之陳桓子善子子

尾亦授甲將助之或告子旗子旗不信則數人告將

往又數人告于道遂如陳氏桓子將出矣聞之而還

聞子游服而逆之

去戎備著常游戲之服

請命

問桓子所至

對曰聞

彊氏授甲將攻子子聞諸曰弗聞子盍亦授甲無宇

請從子旗曰子胡然彼孺子也吾誨之猶懼其不濟

吾又寵秩之

謂為之立宰

其若先人何子盍謂之

謂之使無攻我

周書曰惠不惠茂不茂

周書康誥言當施惠于不惠者勸勉于不勉者茂勉也

康叔所以服弘大也

服行也

桓子稽顙曰頃靈福子

頃公

靈公藥氏吾猶有望遂和之如初

和藥高二家

陳人殺其大夫公子過

左傳陳公子招歸罪于公子過而殺之言招所以不死而得放

稱人以殺而不去其官國亂無政衆人擅殺非討
賊之辭也蓋偃師之死招實主謀孔奐與焉而非
過之所欲也招惡其異己反加罪焉經書招殺偃
師於前書楚師滅陳殺奐於後而過稱大夫則不
與殺世子明矣

大雩

冬十月壬午楚師滅陳執陳公子招放之于越殺陳孔

奘

奘公羊作瑗

左傳九月楚公子棄疾帥師奉孫吳圍陳孫吳悼太子偃師之子惠

公宋戴惡會之戴惡宋大夫冬十一月壬午滅陳壬午十月十八

日傳言十一月誤輿嬖袁克殺馬毀玉以葬輿衆也袁克嬖人之貴者欲厚

公葬哀楚人將殺之請寘之置馬既又請私私盡君私臣恩

于幄加絰于顙而逃使穿封成為陳公成楚大夫滅陳為縣使成

為縣曰城廩之役不諂城廩役在襄二十六年戌與靈王爭皇頡侍飲酒

于王王曰城麋之役女知寡人之及此女其辟寡人

乎對曰若知君之及此臣必致死禮以息楚息寧靜也晉

侯問于史趙曰陳其遂亡乎對曰未也公曰何故對

曰陳顓頊之族也陳祖舜舜出顓頊歲在鶉火是以卒滅陳

將如之顓頊氏以歲在鶉火而滅火盛而水滅今在析木之津猶將復

由箕斗之間有天漢故謂之析木之津由用也且陳氏得政于齊而後陳

卒亡物莫能兩盛自幕至于瞽瞍無違命幕舜之先瞽瞍舜父舜重

之以明德寘德于遂遂舜後蓋殷之興存舜之後而封遂遂世守之及

胡公不淫故周賜之姓使祀虞帝臣聞盛德必百世

祀虞之世數未也繼守將在齊其兆既存矣

言陳氏興盛于

齊

形兆

已見

穀梁

惡楚子也


楚莊討陳之亂有善有惡故先書楚人殺陳夏徵舒而後及其入國納亂臣之事是非不相掩也楚圍則恃彊逞暴利陳之土地而滅之非有討賊之義故先書滅陳

葬陳哀公

穀梁傳不與楚滅閔公也

陳已滅矣非我往會葬而書與莊四年齊侯葬紀伯姬同耳彼曰齊蓋上無齊滅紀之文不書齊侯則未知孰葬之今已書楚師滅陳則下三事皆蒙上文而書耳

日講春秋解義卷四十九



覆校官檢討臣季學錦
校對官庶吉士臣閔惇大
謄錄監生臣鄭遇亨

欽定四庫全書薈要

經部

日講春秋解義卷五十一

詳校官原任侍講臣王燕緒

欽定四庫全書薈要卷一千七百七十五

經部

日講春秋解義卷五十

昭公

九年春叔弓會楚子于陳

九年春叔弓宋華亥鄭游吉衛趙厲會楚子于陳

此與宣十五年公孫歸父會楚子于宋同楚子在彼魯自使卿往修禮致敬非楚子召之使會也

許遷于夷

左傳

二月庚申楚公子棄疾遷許于夷實城父

時改城父為夷

杜注城父縣屬譙郡今江南亳州東南有城父故城

取州來淮北之田以益之

伍舉授許男田然丹遷城父人于陳以夷濮西田益

之

以夷田在濮水西者與城父人

遷方城外人于許

成十五年許遷于葉因謂之許

今許遷于夷故以方城外人實其處傳言靈王使民不安

許世服於楚而畏鄭欲遷都近楚故以自遷為文

若楚彊之則當書楚人遷許如宋人遷宿齊人遷

陽

附錄
左傳

周甘人與晉閻嘉爭閻田

甘人甘大夫襄也閻嘉晉閻縣大夫

晉

梁丙張趯率陰戎伐潁

陰戎杜注陸渾之戎潁杜注周邑

王使詹桓

伯辭于晉

辭責讓之桓伯周大夫

曰我自夏以后稷魏駘芮岐

畢吾西土也

在夏世以后稷功受此五國為西土之長駘杜注在始平武功縣所治釐城縣

今屬陝西乾州古釐城在縣南

及武王克商蒲姑商奄吾東土也

蒲姑

杜注樂安博昌縣北有蒲姑城今蒲姑故城在山東博興縣東南

巴濮楚鄧吾南土

也肅慎燕亳吾北土也

肅慎杜注在玄菟北三千餘里孔疏玄菟在遼東北今屬

盛京吾何邇封之有文武成康之建母弟以蕃屏周亦

其廢隊是為豈如弁髦而因以敝之

弁謂緇布冠髦謂童子垂髮凡

加冠之禮先用緇布冠敝括垂髮三加之後去緇布冠不復用故言因以敝之

先王居禱机

于四裔以禦螭魅

言禱机畧舉四凶之一

故允姓之姦居于瓜

州

允姓陰戎之祖與三苗俱放三危者

伯父惠公歸自秦而誘以來

僖二

十二年秦晉遷陸渾之戎于伊川

使偁我諸姬入我郊甸則戎焉取

之戎有中國誰之咎也

咎在晉

后稷封殖天下今戎制

之不亦難乎

后稷脩封疆殖五穀今戎得之唯以畜牧

伯父圖之我在伯

父猶衣服之有冠冕木水之有本原民人之有謀主

也

民人謀主宗族之師長

伯父若裂冠毀冕拔本塞原專棄謀

主雖戎狄其何有余一人叔向謂宣子曰文之伯也

豈能改物

言未能改正朔易服色

翼戴天子而加之以共自文

以來世有衰德而暴滅宗周以宣示其侈諸侯之貳

不亦宜乎且王辭直子其圖之宣子說王有姻喪使

趙成如周弔且致閭田與祿反潁俘王亦使賓滑執

甘大夫襄以說于晉

賓滑周大夫

晉人禮而歸之

夏四月陳災

災公羊穀梁作火

左傳夏四月陳災鄭裨竈曰五年陳將復封封五十二

年而遂亡子產問其故對曰陳水屬也

陳顓頊之後故為水屬

火水妃也

火畏水故謂之妃

而楚所相也

相治也楚之先祝融為高辛氏火正

主治火事

今火出而火陳

火心星也火出于周為五月而以四月出者以長厯推前年誤

置閏逐楚而建陳也

水得妃而興

妃以五成故曰五年

妃合也五

行各相妃合得五而成故五歲而陳復封為十三年陳侯吳歸于陳傳

歲五及鷄火而

後陳卒亡楚克有之天之道也故曰五十二年

是歲在

星紀五歲及大梁而陳復封自大梁四歲而及鷄火後四周四十八歲凡五及鷄火五十二年天數以五

為紀故五及焉

水火盛水衰

公羊傳

陳已滅矣其言陳火何存陳也曰存陳悌矣

悌悲

也

曷為存陳滅人之國執人之罪人

罪人招也

殺人之賊

孔瑗弑君賊也

葬人之君若是則陳存悌矣

楚為無道託討賊行義陳臣子

辟門虛心待之而

滅其國悲之也

梁傳

國曰災邑曰火火不志此何以志閔陳而存之

也

陳已滅於楚而春秋猶書陳災猶邾鄆已滅於衛

而刪詩仍其故號所以存先王之建國也凡外災
告則書楚已縣陳使穿封戍守之必不遣使告於
諸侯蓋叔弓會楚子于陳目擊其事歸語陳故而
魯史書之耳

附錄
左傳

晉荀盈如齊逆女

自為
逆

還六月卒于戲陽

戲陽
杜注

魏郡內黃縣
北有戲陽城

殯于絳未葬晉侯飲酒樂膳宰屠蒯趨

入請佐公使尊

執尊
酌酒

許之而遂酌以飲工

工樂師
師曠也

曰

女為君耳將司聰也

樂所以
聰耳

辰在子卯謂之疾日

疾
惡

也紂以甲子喪桀以乙卯亡故國君以為忌日

君徹宴樂學人舍業

學人謂習樂之

人

為疾故也君之卿佐是謂股肱股肱或虧何痛如

之女弗聞而樂是不聰也又飲外嬖嬖叔

外都大夫之嬖者

曰女為君目將司明也

職在外故主視

服以旌禮禮以行事

事有其物

物類也

物有其容

容貌也

今君之容非其物也

有卿佐之喪而作樂歡會故曰非其物

而女不見是不明也亦自飲也

曰味以行氣氣以實志

氣和則志充

志以定言

在心為志發口為言

言以出令臣實司味二御失官而君弗命臣之罪也

工與嬖叔侍御君者失官不聰明

公說徹酒初公欲廢知氏而立其

外嬖為是悛而止秋八月使荀躒佐下軍以說焉

荀躒

盈之子知文子也佐下軍代父也

秋仲孫矍如齊

左傳孟僖子如齊殷聘禮也

冬築郎囿

左傳冬築郎囿書時也季平子欲其速成也叔孫昭子

曰詩曰經始勿亟庶民子來

詩大雅言文王始經營靈臺非急疾之衆民自

以子義來
歡樂為之

焉用速成其以勦民也無囿猶可無民其

可乎

季孫既竊魯國又欲離公於民故娛公以耳目之
觀而亟督其功役公尚不悟故他日見逐傳載如
釋重負之言必季氏之誣辭久而不能辨也

十年春王正月

附錄
左傳

十年春王正月有星出于婺女

客星也 不
書非字

鄭裨

竈言于子產曰七月戊子晉君將死今茲歲在顓頊

之虛

歲歲星也顯頊之虛為玄枵

姜氏任氏實守其地

姜齊姓任薛姓齊薛

二國守玄枵之地

居其維首而有妖星焉告邑姜也

客星居玄枵之

維首邑姜齊大公女晉唐叔之母星占娶女為既嫁之女織女為處女邑姜齊之既嫁女妖星在娶女齊

得歲故知

邑姜晉之妣也天以七紀

二十八宿四七

戊子逢

公以登星斯于是乎出

逢公殷諸侯居齊地者逢公將死妖星出娶女時非歲星

所在故齊自當禍而以戊子日卒

吾是以譏之

為晉侯彪卒傳

夏齊欒施來奔

齊公羊作晉

左傳齊惠欒高氏皆耆酒

欒高二族皆出惠公

信內多怨強于陳

鮑氏而惡之夏有告陳桓子曰子旗子良將攻陳鮑

亦告鮑氏桓子授甲而如鮑氏遭子良醉而騁

欲及子良

醉故騁告

遂見文子

文子

則亦授甲矣使視二子

二子

鮑文子

子旗

則皆將飲酒桓子曰彼雖不信

彼傳言者

聞我授甲

則必逐我及其飲酒也先伐諸陳鮑方睦遂伐欒高

氏子良曰先得公陳鮑焉往

欲以公自輔助

遂伐虎門

欲入公不

聽故伐公門

晏平仲端委立于虎門之外四族召之無所

往

四族欒高陳鮑其徒曰助陳鮑乎曰何善焉助欒高乎曰

庸愈乎然則歸乎曰君伐焉歸公召之而後入公卜

使王黑以靈姑鉅率吉請斷三尺焉而用之

王黑齊大夫靈

姑鉅公旗名斷三尺不敢與君同

五月庚辰戰于稷

稷杜注祀后稷之處六國時齊

有稷下館在今山東臨淄縣西

欒高敗又敗諸莊

莊六軌之道

國人追之

又敗諸鹿門

鹿門齊城門

欒施高彊來奔陳鮑分其室晏

子謂桓子必致諸公讓德之主也讓之謂懿德凡有

血氣皆有爭心故利不可強

不可強取

思義為愈義利之

本也蘊利生孽

蘊畜也孽妖害也

姑使無蘊乎可以滋長桓

子盡致諸公而請老于莒

莒杜注
齊邑

桓子召子山

子山
子商

子周襄三十一年

私具幄幕器用從者之衣屨而反

子尾所逐羣公子

棘馬

棘杜注子山故邑齊國西安縣東有戟里亭
後漢志作棘里今臨淄縣西北有棘里亭

子

商亦如之而反其邑子周亦如之而與之夫子

子周
本無

邑故更與之夫子杜注濟南於陵縣西

反子城子公

北有子亭今於陵城在山東長山縣南

公孫捷

三子八年
子旗所逐

而皆益其祿凡公子公孫之無祿

者私分之邑國之貧約孤寡者私與之粟曰詩云陳

錫載周能施也

詩大雅言文王能布陳大
利以賜天下行之周偏

桓公是以

霸公與桓子莒之旁邑辭穆孟姬為之請高唐陳氏

始大

穆孟姬景公母傳
言陳氏所以興

高彊不書非卿也樂高陳鮑以私憾生爭至動干
戈於國中不忌其君之故也陳氏遂階此以竊國
有國者之操柄可不謹與

秋七月季孫意如叔弓仲孫纘帥師伐莒

意公羊作
隱後同

左傳

秋七月平子伐莒取鄭

平子即季孫意如鄭杜注
莒邑當在今山東沂水縣

界

獻俘始用人于亳社

以人祭
殷社

臧武仲在齊聞之曰

周公其不饗魯祭乎周公饗義魯無義詩曰德音孔

昭視民不佻

詩小雅佻偷也言明德君子必愛民不敢侮

佻之謂甚矣而

壹用之將誰福哉

壹同也同人于畜牧

既舍中軍公室無兵三家各帥其衆故並書於策

叔弓在行或曰所將乃叔孫氏之兵雖曰家徒猶

使公臣帥之以此見媿之賢也或曰媿居守而叔

弓佐意如也自是訖春秋魯有四卿而權歸三家

公若寄寓矣

戊子晉侯彪卒

左傳

戊子晉平公卒

如裨竈之言

鄭伯如晉及河晉人辭之

游吉遂如晉

禮諸侯不相弔故辭

九月叔孫舍如晉葬晉平公

左傳

九月叔孫婁齊國弱宋華定衛北宮喜鄭罕虎許

人曹人莒人邾人滕人薛人杞人小邾人如晉葬平

公也

經不書諸侯大夫者非盟會

鄭子皮將以幣行

見新君之贊

子產

曰喪焉用幣用幣必百兩

載幣用車百乘

百兩必千人千人

至將不行

行用也

不行必盡用之

不得見新君將自費用盡

幾千人

而國不亡

言千人之費不可數

子皮固請以行既葬諸侯之大

夫欲因見新君叔孫昭子曰非禮也弗聽叔向辭之

曰大夫之事畢矣

送葬禮畢

而又命孤孤斬焉在衰經之

中其以嘉服見則喪禮未畢其以喪服見是重受弔

也大夫將若之何皆無辭以見子皮盡用其幣歸謂

子羽曰非知之實難將在行之夫子知之矣我則不

足

言已由子產之戒既知其不足可而遂行之是我之不足

書曰欲敗度縱敗禮

商書大

甲篇

我之謂矣夫子知度與禮矣我實縱欲而不

能自克也昭子至自晉大夫皆見高彊見而退昭子

語諸大夫曰為人子不可不慎也哉昔慶封亡子尾

多受邑而稍致諸君君以為忠而甚寵之將死疾于

公宮輦而歸君親推之其子不能任是以此忠為

令德其子弗能任罪猶及之難不慎也喪夫人之力

夫人謂
子尾

棄德曠宗以及其身不亦害乎詩曰不自我

先不自我後其是之謂乎

詩小雅言禍亂不在他正
當己身以喻高彊身自取

此禍

十有二月甲子宋公成卒

成公羊作成

左傳冬十二月宋平公卒初元公惡寺人柳欲殺之元公

平公大子佐也及喪柳熾炭于位以溫地將至則去之使公坐其處

比葬又有寵言元公好惡無常

十有一年春王二月叔弓如宋葬宋平公二月公羊作正月

左傳十一年春王二月叔弓如宋葬平公也

夏四月丁巳楚子虔誘蔡侯般殺之于申虔穀梁或作乾

左傳

景王問于萇弘曰

萇弘周大夫

今茲諸侯何實吉何實

凶對曰蔡凶此蔡侯般弑其君之歲也歲在豕韋弗

過此矣

襄三十年蔡世子般弑其君歲在豕韋至今十三歲歲復在豕韋

楚將有之

然壅也

壅積其惡

歲及大梁蔡復楚凶天之道也

楚靈王弑立之

年歲在大梁至昭十三年歲復在大梁是應周必復故知楚凶

楚子在申召蔡靈侯

靈侯將往蔡大夫曰王貪而無信唯蔡于感

恨其不服順

今幣重而言甘誘我也不如無往蔡侯不可三月丙

申楚子伏甲而饗蔡侯于申醉而執之夏四月丁巳

殺之刑其士七十人

公羊傳

楚子虔何以名絕曷為絕之為其誘討也此討

賊也

蔡侯般弑父而立

雖誘之則曷為絕之懷惡而討不義

君子不予也

穀梁傳

何為名之也夷狄之君誘中國之君而殺之故

謹而名之也稱時稱月稱日稱地謹之也

蔡般覆載不容之賊人人得而誅之聖人乃名楚虔而爵蔡般何也楚虔身為篡弑春秋之義不以

亂治亂且既與般會申又再會伐吳豈以般為賊哉今謀取其國重幣甘言誘以會而殺之則為誘蔡侯殺之于申而已至般之罪已前見苟有人心者皆知其宜絕也而蔡之臣子奉以為君魯弔其喪諸侯數與之會成其為君久矣故不從州吁無知之例而以爵書所以著諸侯之罪也

楚公子棄疾帥師圍蔡

左傳公子棄疾帥師圍蔡韓宣子問于叔向曰楚其克

乎對曰克哉蔡侯獲罪于其君

謂弑逆

而不能其民天

將假手于楚以斃之何故不克然肸聞之不信以幸

不可再也楚王奉孫吳以討于陳曰將定而國陳人

聽命而遂縣之

事在八年

今又誘蔡而殺其君以圍其國

雖幸而克必受其咎弗能久矣桀克有緡以喪其國

紂克東夷而隕其身楚小位下而亟暴于二王能無

咎乎天之假助不善非祚之也厚其凶惡而降之罰

也且譬之如天其有五材而將用之力盡而敝之是

以無拯不可沒振

金木水火土五者為物用久則必敝盡敝盡則棄捐故言無拯拯猶

救助也不可沒振猶沒不可復振

滅不言圍蔡人效死固守以待諸侯之救故書圍

以病晉也

五月甲申夫人歸氏薨

左傳

五月齊歸薨

胡女歸姓齊諡也敬歸之姊昭公之母

大蒐于比蒲

左傳

大蒐于比蒲非禮也

公羊傳

大蒐者何簡車徒也何以書蓋以罕書也

魯之大蒐已為僭禮况齊歸未葬乎蓋方是時魯君若寄寓君自有喪三家自蒐以為與公室無與也三家據國久之而民亦忘君此陽州之孫季氏所以晏然而魯眾亦安之若素與

仲孫纘會邾子盟于祲祥

祲祥公羊作侵羊
祲祥杜注地闕

左傳

孟僖子會邾莊公盟于祲祥修好禮也泉丘人有

女

泉丘杜注魯邑當在今山東寧陽泗水間

夢以其帷幕孟氏之廟遂奔

僖子其僚從之

鄰女為僚友者隨而奔

盟于清丘之社曰有子

無相棄也

二女自共盟

僖子使助蘧氏之筵

蘧副倅也禮有副車倅車

皆副貳之車也蘧氏之女先為僖子副妾別居在外故僖子納泉丘人女令副助之

反自祫祥

宿于蘧氏生懿子及南宮敬叔于泉丘人其僚無子

使字敬叔

字養也

邾魯之爭為日已久自襄之季年邾子來朝昭元年魯會邾葬至是盟于祫祥以修舊好君有大喪而季氏大蒐于國中孟孫會盟於境外不惟魯人

不知有君而鄰國亦不知魯之有君矣

秋季孫意如會晉韓起齊國弱宋華亥衛北宮佗鄭罕

虎曹人杞人于厥慙

厥慙公羊作屈
銀杜注地闕

左傳楚師在蔡

向四月
之師

晉荀吳謂韓宣子曰不能救陳

又不能救蔡物以無親

人情所
以不附

晉之不能亦可知也

已為盟主而不恤亡國將焉用之秋會于厥慙謀改

蔡也鄭子皮將行子產曰行不遠不能救蔡也蔡小

而不順楚大而不德天將棄蔡以壅楚盈而罰之蔡

必亡矣且喪君而能守者鮮矣三年王其有咎乎美

惡周必復王惡周矣

元年楚子弑君而立歲在大梁後二年十三歲歲星周復于大

梁

晉人使狐父請蔡于楚弗許

狐父晉大夫

宋之盟以弭兵名諸侯楚背盟肆暴晉合八國之

大夫縱不能如次陘之師聲罪致討亦可以大義

責楚所以使狐父往請重自卑屈而楚弗許者由

陳蔡有弑君之禍晉皆不討諸侯離心而楚借討

亂以為名晉人雖欲執辭申義其勢不能且諸卿

各營其私莫肯盡力於國事故為楚所料也三綱
軍政之本豈不信與

附錄
左傳

單子會韓宣子于戚

單子單
成公

視下言徐叔向曰

單子其將死乎朝有著定

著定朝內列位
常處謂之表著

會有表

野會

設表以
為位

衣有襜帶有結

襜領會結
帶結也

會朝之言必聞于

表著之位所以昭事序也視不過結襜之中所以道
容貌也言以命之容貌以明之失則有闕今單子為
王官伯而命事于會視不登帶言不過步貌不道容

而言不昭矣不道不共不昭不從

貌正曰共言順曰從

無守氣

矣

為是年冬單子卒起本

九月己亥葬我小君齊歸

左傳

九月葬齊歸公不感晉士之送葬者歸以語史趙

史趙曰必為魯郊

言昭公必出在郊野不能有國

侍者曰何故曰歸

姓也不思親祖不歸也

姓生也言不思親則不為祖考所歸佑

叔向曰

魯公室其卑乎君有大喪國不廢蒐

指比蒲

有三年之

喪而無一日之感國不恤喪不忌君也君無感容不

顧親也國不忌君君不顧親能無卑乎殆失其國為

十五年公

孫于齊傳

公羊齊歸者何昭公之母也

冬十有一月丁酉楚師滅蔡執蔡世子有以歸用之

有穀

梁作友

左傳冬十一月楚子滅蔡用隱天子于岡山

蔡世子有謚隱靈公

之子蔡侯廬之父申無宇曰不祥五牲不相為用況用諸侯

乎王必悔之

公羊傳

此未踰年之君也其稱世子何不君靈公不成

其子也

靈公弑逆春秋不與其為君故其子亦不得為嗣君以繼其父也

不君靈公

則曷為不成其子誅君之子不立非怒也無繼也父誅

子當絕

惡乎用之用之防也其用之防奈何蓋以築防

也

持其足以頭築防惡不以道

穀梁傳

此子也

諸侯在喪稱子

其曰世子何也不與楚殺也一

事註乎志

有一暴虐之事必筆之于書

所以惡楚子也

書滅書執書以歸用之詳其事以重楚惡也滅而

以歸未有言執者言執弗臣之辭也沈子嘉書以
歸殺之既降服也有稱世子父死國危不忍立乎
其位也父母之仇不共戴天與民守國效死不降
至於力屈就擒虐用其身而不顧也則有之為世
子之道得矣

附錄
左傳

十二月單成公卒

終叔向之言

楚子城陳蔡不羹

不羹有二杜注襄城縣東南有不羹城定陵西北有
不羹亭今按在河南襄城縣東南者西不羹也在舞
陽縣北者東不羹即
定陵之不羹亭也

使棄疾為蔡公王問于申無宇

曰棄疾在蔡何如對曰擇子莫如父擇臣莫如君鄭

莊公城櫟而寘子元焉使昭公不立

子元鄭公子莊公寘子元于櫟

桓十五年厲公因之以殺櫟大夫檀伯遂居櫟卒使昭公不安位而見殺

齊桓公城穀而

寘管仲焉至于今賴之

城穀在莊三十二年

臣聞五大不在邊

五細不在庭

古者以五行建官故曰五官五官之長專盛過節則不可居邊細弱不勝任亦

不可居

親不在外羈不在內今棄疾在外鄭丹在內

朝廷

襄十九年丹奔楚

君其少戒王曰國有大城何如對曰鄭京

櫟實殺曼伯

曼伯檀伯也厲公取櫟又并京

宋蕭亳實殺子游

在莊十二

年齊渠丘實殺無知

在莊九年渠丘杜注雍廩邑齊國西安縣

衛蒲戚實

出獻公

蒲杜注甯殖邑戚杜注孫林父邑出獻公在襄十四年

若由是觀之則

害于國末大必折尾大不掉君所知也

為十三年陳蔡作亂傳

十有二年春齊高偃帥師納北燕伯于陽

陽杜注陽即唐燕別邑中

山有唐縣今直隸唐縣東有故城是也

左傳十二年春齊高偃納北燕伯款于唐因其衆也

公羊傳

伯于陽者何公子陽生也子曰我乃知之矣

謂子

孔子乃乃是歲也時孔在側者曰子苟知之何以不

草曰如爾所不知何

如猶奈也蓋子以見而改之人以不見而疑之非所以傳信故

寧因而不草所以敬天下之慎也

春秋之信史也其序則齊桓晉文

其會則主會者為之也其辭則丘有罪焉爾

穀梁傳

納者內不受也燕伯之不名何也不以高偃挈

燕伯也

款之出書名失國也納之則不名正君臣之分也

燕伯入陽衛侯入夷儀皆為亂臣所迫逐因大國之力而入故書法同不得入於國為在國之臣子

所拒也

三月壬申鄭伯嘉卒

左傳

三月鄭簡公卒將為葬除

除葬道

及游氏之廟

游氏子大

叔族

將毀焉子大叔使其除徒執用以立而無庸毀

用毀

廟具

曰子產過女而問何故不毀乃曰不忍廟也諾將

毀矣

敬毀廟者之辭

既如是子產乃使辟之司墓之室有當

道者

司墓之室掌公墓大夫徒屬之家

毀之則朝而墉弗毀則日中

而墉

墉下棺

子大叔請毀之曰無若諸侯之賓何

不欲久留

賓

子產曰諸侯之賓能來會吾喪豈憚日中無損于
賓而民不害何故不為遂弗毀日中而葬君子謂子
產于是乎知禮禮無毀人以自成也

夏宋公使華定來聘

左傳

夏宋華定來聘通嗣君也

宋元公新立

享之為賦蓼蕭

弗知又不答賦

蓼蕭詩小雅義取燕笑語兮是以有
譽處兮樂與華定燕語也又曰既見

君子為龍為光欲以寵光賓也又曰宜凡宜弟令德
壽凱言賓有令德可以壽樂也又曰和鸞雍雍萬福

攸同言欲與
賓同福祿也

昭子曰必亡宴語之不懷

懷思也

寵光之

不宣

宣揚也

令德之不知同福之不受將何以在

為二十年

華定出

奔傳

附錄

左傳

齊侯衛侯鄭伯如晉朝嗣君也

晉昭公新立

公如晉至河乃復

左傳

公如晉

亦朝嗣君

至河乃復取鄭之役

在十年

莒人愬于

晉晉有平公之喪未之治也故辭公公子慙遂如晉

慙魯

大夫

穀梁

傳

季孫氏不使遂乎晉也

前此公兩如晉僅一見焉至是往朝嗣君復為所拒傳載以取郟之故辭公夫納莒之叛臣叛邑伐其國又披其地者皆季孫所為也明年晉執意如則亦知罪之所在矣而公每如晉則見却蓋晉之諸臣皆曲為季氏地而不使公得盡其辭穀梁謂季氏不使遂乎晉蓋得其情矣

附錄左傳

晉侯享諸侯子產相鄭伯辭于享請免喪而後

聽命

簡公未葬

晉人許之禮也晉侯以齊侯宴中行穆子

相投壺晉侯先穆子曰有酒如淮有肉如坻

淮杜注水名坻

水中高地

寡君中此為諸侯師中之齊侯舉矢曰有酒如

澠有肉如陵

澠杜注水出齊國臨淄縣北入時水陵大阜也

寡人中此與君

代興亦中之伯瑕謂穆子曰

伯瑕士文伯

子失辭吾固師

諸侯矣壺何為焉其以中雋也

言投壺中不足為雋異

齊君弱

吾君歸弗來矣

欲與晉君代興是弱之

穆子曰吾軍帥強禦卒

乘競勸今猶古也齊將何事公孫僂趨進曰

僂齊大夫

日

盱君勤可以出矣以齊侯出

五月葬鄭簡公

左傳

六月葬鄭簡公

經書五月誤

楚殺其大夫成熊

熊公羊作然穀梁作虎

左傳

楚子謂成虎若敖之餘也遂殺之

成虎令尹子玉之孫與鬬氏同

出于若敖宣四年鬬椒作亂今楚子信讒而託討若敖之餘

或譖成虎于楚子成

虎知之而不能行書曰楚殺其大夫成虎懷寵也

虔以猜忌信讒殺無罪之大夫故以累上之辭書

附錄左傳

晉荀吳偽會齊師者假道于鮮虞

鮮虞杜注白狄別種在中

山新市縣今直隸新樂縣西南
有新市故城其地有鮮虞亭

遂入昔陽

昔陽杜注肥國都今

藁城縣西南有昔陽亭水經注謂之鼓聚

秋八月壬午滅肥以肥子繇皋

歸肥杜注白狄鉅鹿下曲陽縣有肥累城在今藁城縣西南縣皋肥子名為下晉伐鮮虞起

周

原伯絞虐

原伯絞周大夫原公

其與臣使曹逃

與衆也曹羣也

冬十月

壬申朔原輿人逐絞而立公子跪尋

跪尋絞弟

絞奔郊

杜郊

注周邑

甘簡公無子

甘簡公周卿士

立其弟過過將去成景

之族

成公景公皆過之先君

成景之族賂劉獻公

欲使殺過劉獻公亦周卿

士劉定

丙申殺甘悼公

悼公即過

而立成公之孫鮑

鮑平

丁酉殺獻太子之傅庾皮之子過

過劉獻公太子之傅

殺瑕辛

于市及宮嬖綽王孫沒劉州鳩陰忌老陽子

六子周大夫及

庾過皆甘悼公之黨傳言
司寇甘原二族所以遂微

秋七月

冬十月公子慙出奔齊

慙公羊作整

左傳季平子立而不禮于南蒯

蒯南遺子

南蒯謂子仲

子仲公子

慙吾出季氏而歸其室于公

室季氏家財

子更其位我以

費為公臣子仲許之南蒯語叔仲穆子且告之故

穆子

叔仲帶之
子叔仲小

季悼子之卒也

悼子武子之子平子父

叔孫昭子以

再命為卿及平子伐莒克之更受三命

十年平子伐莒以功加三

命昭子亦以

叔仲子欲構二家

欲構使相憎

謂平子曰三

例加三命

命踰父兄非禮也

言昭子受三命自踰其先人

平子曰然故使昭

子

使昭子自貶黜

昭子曰叔孫氏有家禍殺適立庶故姑也

及此

禍在四年

若因禍以斃之則聞命矣若不廢君命則

固有著矣

著位次

昭子朝而命吏曰姑將與季氏訟書

辭無頗

頗偏也

季孫懼而歸罪于叔仲子故叔仲小南

蒯公子慙謀季氏慙告公而遂從公如晉南蒯懼不

克以費叛如齊子仲還及衛聞亂逃介而先

介副使

及

郊聞費叛遂奔齊

言及郊解經所以書出

南蒯之將叛也其鄉

人或知之過之而歎且言曰恤恤乎湫乎攸乎

恤恤憂患

貌湫愁隘貌攸懸危貌

深思而淺謀邇身而遠志家臣而君圖

有人矣哉

言今有此人微以感之

南蒯枚筮之

不指其事泛卜吉凶

遇坤

坤下坤

之比

坤下坎上比坤六五爻變

曰黃裳元吉

坤六

五爻

以為大吉也示子服惠伯曰即欲有事何如惠

伯曰吾嘗學此矣忠信之事則可不然必敗外強內

溫忠也

坎險故強坤順故溫強而能溫所以為忠

和以率貞信也

水和而土安正

和正信之本也

故曰黃裳元吉黃中之色也裳下之飾也元

善之長也中不忠不得其色

言非黃

下不共不得其飾

不為裳

事不善不得其極

失中德

外內倡和為忠

不相違也

率

事以信為共

率猶行也

供養三德為善

三德謂正直剛克柔克也

非此

三者弗當

忠共善三者

且夫易不可以占險將何事也且

可飾乎

夫易猶此易謂黃裳元吉之卦問其何事欲令從下之飾

中美能黃上美

為元下美則裳參成可筮

參美盡備吉可如筮

猶有闕也筮雖

吉未也將適費

薊自其家遷適費

飲鄉人酒鄉人或歌之曰

我有圃生之杞乎

言南薊在費欲為亂如杞生于園圃非宜也杞世所謂枸杞也

從

我者子乎

子男子之通稱言從已可不失今之尊

去我者鄙乎倍其鄰

者恥乎

鄰猶親也

已乎已乎非吾黨之士乎

已乎已乎言自遂不改

平子欲使昭子逐叔仲小

欲以自解說

小聞之不敢朝昭

子命吏謂小待政于朝曰吾不為怨府

言不能為季氏逐小生怨

禍之聚為明年叔弓圍費傳

按左氏季孫意如不禮于南蒯蒯與公子慙謀去之慙以告公未幾而敗蒯以費叛慙遂奔齊至是則公與季氏之釁已顯著季氏之謀公益急矣

楚子伐徐

左傳

楚子狩于州來次于潁尾

潁尾杜注潁水之尾在下蔡西按潁水入淮處

在今江南潁上縣與潁州接界謂之潁口

使蕩侯潘子司馬督囂尹午陵

尹喜帥師圍徐以懼吳

五子楚大夫囂陵二縣名徐吳與國故圍之以徧吳

楚

子次于乾谿以為之援

乾谿杜注在譙國城父縣南

雨雪王皮冠

秦復陶

秦所遺羽衣也

翠被

以翠羽飾被

豹舄

以豹皮為履

執鞭以出

執鞭以教令

僕析父從

僕析父楚大夫

右尹子革夕

子革鄭丹夕暮見

王

見之去冠被舍鞭

敬大

與之語曰昔我先王熊繹與

呂級王孫牟燮父禽父竝事康王

熊繹楚始封君呂級齊大公子丁公

牟衛康叔子康伯燮父晉唐叔子禽父周公子伯禽

四國皆有分

四國齊晉魯衛分珍寶之

器我獨無有今我使人于周求鼎以為分王其與我

乎對曰與君王哉昔我先王熊繹辟在荊山

荊山杜注在新

城汭鄉縣南

筭路藍縷以處草莽跋涉山林以事天子唯

是桃弧棘矢以共禦王事

葦荆柴路車也藍縷衣敝桃弧棘矢以禦不祥言楚

在山林少

齊王舅也

成王母齊太公女

晉及魯衛王母弟也

楚是以無分而彼皆有今周與四國服事君王將唯

命是從豈其愛鼎王曰昔我皇祖伯父昆吾舊許是

宅今鄭人貪賴其田而不我與我若求之其與我乎

陸終氏生六子長曰昆吾少曰季連季連楚之祖故謂昆吾為伯父昆吾常居許地許既南遷故云舊許

時地屬鄭

對曰與君王哉周不愛鼎鄭敢愛田王曰昔諸

侯遠我而畏晉今我大城陳蔡不羹賦皆千乘子與

有勞焉諸侯其畏我乎對曰畏君王哉是四國者專

足畏也

四國陳蔡二不羹

又加以楚敢不畏君王哉工尹

路請曰君王命剝圭以為鉞秘敢請命

鉞斧也秘柄也破圭以飾

斧柄請命請制度之命

王入視之析父謂子革吾子楚國之望

也今與王言如響國其若之何

譏其順王心如響應聲

子革曰

摩厲以須王出吾刃將斬矣

以己喻鋒刃欲自摩厲以斬王之淫慝

王

出復語左史倚相趨過

倚相楚史名

王曰是良史也子善

視之是能讀三墳五典八索九丘

皆古書名孔安國云伏羲神農黃帝

之書謂之三墳言大道也少昊顓頊高辛唐虞之書
謂之五典言常道也八卦之說謂之八索求其義也
九州之志謂之九丘丘聚也言九州所
有土地所生風氣所宜皆聚此書也

對曰臣嘗問

焉昔穆王欲肆其心周行天下將皆必有車轍馬跡

焉祭公謀父作祈招之詩以止王心王是以獲没于

祇宮

謀父周卿士祈父周司馬招其名祭公方諫遊
行故指司馬官而言詩逸祇宮王之離宮獲没

不見
纂弒

臣問其詩而不知也若問遠焉其焉能知之王

曰子能乎

能謂舉
其辭

對曰能其詩曰祈招之惓惓式昭

德音

惓惓安和貌式
用也昭明也

思我王度式如玉式如金

金玉
取其

堅形民之力而無醉飽之心

言國之用民當隨其力
任如金冶之器隨器而

制形故言形民之力
去其醉飽過淫之心

王揖而入饋不食寢不寐數日

深感子
革之言

不能自克以及于難仲尼曰古也有志克己

復禮仁也信善哉楚靈王若能如是豈其辱于乾谿

徐世服於楚其再見伐以吳故也楚虔自會申以

後執徐子圍朱方遷賴于鄢滅陳蔡至是又親圍

徐自謂天下莫敢違不知衆叛親離禍已伏積而

不可解矣

晉伐鮮虞

左傳

晉伐鮮虞因肥之役也

肥役在此年

穀梁傳

其曰晉狄之也其狄之何也不正其與夷狄交

伐中國故狄稱之也

鮮虞姬姓白狄也地居中山故曰中國夷狄謂楚時楚滅陳蔡

圍徐晉亦伐鮮虞是謂交伐中國

昔陽之役假道鮮虞及返役遂因鮮虞之不備而伐之夫楚虔篡弑之賊連用詐謀以滅陳滅蔡晉不能反其道惇信明義以屬諸侯而師其詐謀庸

何愈於楚貶而書號惡之深也

日講春秋解義卷五十

欽定四庫全書薈要卷一千七百七十六

經部

日講春秋解義卷五十一

昭公

十有三年春叔弓帥師圍費

左傳

十三年春叔弓圍費

前年南蒯以費叛故

弗克敗焉

不書諱之

平

子怒令見費人執之以為囚俘治區夫曰區夫魯大夫非

也若見費人寒者衣之饑者食之為之令主而共其

乏困費來如歸南氏亡矣民將叛之誰與居邑若憚

之以威懼之以怒民疾而叛為之聚也若諸侯皆然費人無歸不親南氏將焉入矣平子從之費人叛南

氏

費叛南氏在明年傳終言其效

南蒯季氏家臣據邑以叛至命正卿舉大眾圍之若敵國然家臣彊大夫弱也季孫以所惡於下者事其上而不忠於君南蒯則而象之不亦宜乎春秋之法不書內叛蓋尺地一民皆歸三家南蒯之叛叛季氏也季氏安得以叛治蒯哉然書圍費則

其實不可掩矣季氏之私邑叛而使卿率師以討之已儼然若魯國之君此昭公之逐所以民不知君而安於季氏也

夏四月楚公子比自晉歸于楚弑其君虔于乾谿

谿穀梁作

溪

左傳

楚子之為令尹也殺大司馬薳掩而取其室

在襄三十

年

及即位奪薳居田

居掩之族

遷許而質許圍

遷許在九年圍許大

夫

蔡洧有寵于王王之滅蔡也其父死焉

楚滅蔡在十一年洧

仕楚其父在國故死

王使與于守而行

使洧守國王行至乾谿

申之會越

大夫戮焉

越大夫常壽過也申曾在四年

王奪鬪韋龜中犍又奪成

然邑而使為郊尹蔓成然故事蔡公

鬪韋龜令尹子文玄孫中犍杜

注邑名成然韋龜子郊尹治郊竟大夫蔡公棄疾也故猶舊也韋龜以棄疾有當璧之命故使成然事之

故遂氏之族及遂居許圍蔡洧蔓成然皆王所不禮

也因羣喪職之族啟越大夫常壽過作亂圍固城克

息舟城而居之

息舟杜注楚邑城之堅固者一云固城息舟楚二邑

觀起之死

也其子從在蔡事朝吳曰今不封蔡蔡不封矣我請

試之

觀起死在襄二十二年朝吳故蔡大夫聲子之子觀從以父死怨楚故欲試作亂

以蔡

公之命召子干子皙

二子皆靈王弟元年子干奔晉子皙奔鄭

及郊而告

之情

告以蔡公不知謀

強與之盟入襲蔡蔡公將食見之而

逃

不知其故驚起避之

觀從使子干食

居蔡公之牀食其食

坎用牲加書

而速行

偽與蔡公盟示衆以驗

已徇于蔡曰

已觀從也

蔡公召二子

將納之與之盟而遣之矣將師而從之

詐言蔡公將以師助二子

蔡人聚將執之

執觀從

辭曰失賊成軍而殺余何益

謂賊

二子言蔡公已成軍殺已不解亂

乃釋之朝吳曰二三子若能死亡

則如違之以待所濟

違蔡公命

若求安定則如與之以濟

所欲

與蔡公

且違上何適而可

上謂蔡公

衆曰與之乃奉蔡

公召二子而盟于鄧依陳蔡人以國

國陳蔡而依之

楚公子

比公子黑肱公子棄疾蔓成然蔡朝吳帥陳蔡不羹

許葉之師因四族之徒以入楚

四族蘧氏許圍蔡洧蔓成然

及郊

陳蔡欲為名故請為武軍

欲築壘壁以示後人為復讎之名

蔡公知

之曰欲速且役病矣請藩而已乃藩為軍蔡公使須

務牟與史狎先入因正僕人殺大子祿及公子罷敵

須務年史。獬楚大夫蔡公之黨正。僕大子近官祿罷。敵皆靈王子。

公子比為王公子。

黑肱為令尹次于魚陂。

魚陂杜注竟陵縣城西北有甘魚陂在今湖廣景陵縣西

北

公子棄疾為司馬先除王宮使觀從從師于乾谿

而遂告之。

從乾谿之師告使叛靈王

且曰先歸復所後者劓師及

訾梁而潰王聞羣公子之死也自投于車下曰人之

愛其子也亦如余乎侍者曰甚焉小人老而無子知

擠于溝壑矣。

擠墜也

王曰余殺人子多矣能無及此乎

右尹子革曰請待于郊以聽國人

聽國人之所與

王曰衆怒

不可犯也曰若入于大都而乞師于諸侯王曰皆叛

矣曰若亡于諸侯以聽大國之圖君也王曰大福不

再祇取辱焉然丹乃歸于楚

棄王而歸

王公夏將欲入鄢

夏杜注漢別名順流為公

芋尹無宇之子申亥曰吾父再奸王命

謂斷王旌執人章華宮

王弗誅惠孰大焉君不可忍惠不可棄

吾其從王乃求王遇諸棘闈以歸

棘里名闈門也

夏五月癸

亥王縊于芋尹申亥氏申亥以其二女殉而葬之

公羊傳

此弑其君其言歸何

據齊陽生入惡不言歸

歸無惡于弑

立也歸無惡于弑立者何靈王為無道作乾谿之臺
三年不成楚公子棄疾脅比而立之然後令于乾谿
之役曰比已立矣後歸者不得復其田里衆罷而去
之靈王經而死

穀梁傳

自晉晉有奉焉爾歸而弑不言歸言歸非弑也

傳例曰歸為善自某歸次之然則弑君不得言歸言歸比不弑之一驗也

歸一事也弑一

事也而遂言之以比之歸弑比不弑也

歸與弑其事各異自宜別

書之而今連言之是比之歸適遇君弑爾比不弑之二驗也

弑君者日不日比不

弑也

據文元年夏四月丁未楚世子商臣弑其君髡書曰此不日比不弑君之三驗也

楚虔篡立之初比已奔晉未嘗一日為虔之臣春秋乃以大惡歸之何也賊可討而不可代也虔之篡弑當其時力不能討而隱身於晉邾敖二子見戕無後則自潔其身可矣乃自晉復歸倡亂而據其位則為弑其君而已此聖人所以辨公私之義而嚴亂賊之誅也

楚公子棄疾殺公子比

殺公羊作弑

左傳觀從謂子干曰不殺棄疾雖得國猶受禍也子干

曰余不忍也子玉曰

子玉觀從

人將忍子吾不忍俟也乃

行國每夜駭曰王入矣

相恐以靈王也

乙卯夜棄疾使周走

而呼曰王至矣國人大驚使蔓成然走告子干子皙

曰王至矣國人殺君司馬

司馬謂棄疾

將來矣君若早自

圖也可以無辱衆怒如水火焉不可為謀又有呼而

走至者曰衆至矣二子皆自殺丙辰棄疾即位名曰

熊居

名改葬也

葬子干于訾實訾敖

不成君無謚號者楚皆謂之敖

殺囚

衣之王服而流諸漢乃取而葬之以靖國人使子旗

為令尹

子旗蔓成然

楚師還自徐

前年圍徐之師

吳人敗諸豫章

獲其五帥

豫章杜注當在江北淮水南蓋後徙在江南五帥蕩侯潘子司馬督囂尹午陵尹喜

平王封陳蔡復遷邑

復九年所遷邑

致羣賂

始舉事時所貨賂

施舍

寬民宥罪舉職召觀從王曰唯爾所欲對曰臣之先

佐開卜乃使為卜尹使枝如子躬聘于鄭且致犂櫟

之田

枝如子躬楚大夫犂櫟本鄭邑楚中取之平王新立故還以賂鄭

事畢弗致鄭

人請曰聞諸道路將命寡君以犂櫟敢請命對曰臣

未聞命既復王問隼櫟降服而對曰

降服如今免冠也謝違命臣

過失命未之致也王執其手曰子毋勤姑歸不穀有

事其告子也

善其有權

他年芋尹申亥以王極告乃改葬

之初靈王卜曰余尚得天下不吉投龜詬天而呼曰

是區區者而不余畀余必自取之民患王之無厭也

故從亂如歸初共王無冢適有寵子五人無適立焉

乃大有事于羣望而祈曰

羣望星辰三川

請神擇于五人者

使主社稷乃徧以璧見于羣望曰當璧而拜者神所

立也誰敢違之既乃與巴姬密埋璧于大室之庭

巴姬

共王妾大室祖廟

使五人齊而長入拜

從長幼以次拜

康王跨之

其過

也上靈王肘加焉子干子皙皆遠之平王弱抱而入再

拜皆厭紐

微見璧紐以為審識

鬬韋龜屬成然焉

知其將立故

且曰

棄禮違命楚其危哉

棄禮棄立長之禮而卜于神違命違當璧之命而立康王也

子干歸韓宣子問于叔向曰子干其濟乎對曰難宣

子曰同惡相求如市賈焉

同利以相求

何難對曰無與同

好誰與同惡取國有五難有寵而無人一也

人賢

有

人而無主二也

頤內主為應

有主而無謀三也有謀而無

民四也有民而無德五也子干在晉十三年矣晉楚

之從不聞達者可謂無人族盡親叛可謂無主無釁

而動可謂無謀

名子干時楚未有大釁

為羈終世可謂無民

終身

客晉是無民

亡無愛徵可謂無德

楚人無愛念之者

王虐而不忌

靈王暴虐無所畏忌將自亡

楚君子干涉五難以弑舊君誰能濟

之言楚借君子干以弑靈王終無能成

有楚國者其棄疾乎君陳蔡城

外屬焉

城方城也時穿封戌既死棄疾并領陳事

苛慝不作盜賊伏隱私

欲不違

不以私欲違民事

民無怨心先神命之

先神謂羣望

國民

信之芊姓有亂必季實立楚之常也獲神一也

當璧拜

有民二也

民信之

令德三也

無苛慝

寵貴四也

貴妃子又君陳蔡

居常五也

棄疾季

有五利以去五難誰能害之子干之

官則右尹也數其貴寵則庶子也以神所命則又遠

之其貴亡矣其寵棄矣民無懷焉國無與焉將何以

立宣子曰齊桓晉文不亦是乎

皆庶賤

對曰齊桓衛姬

之子也有寵于僖

衛姬齊僖公妾

有鮑叔牙賓須無隰朋以

為輔佐有莒衛以為外主

齊桓出奔莒
衛其母家

有高國以為

內主從善如流下善齊肅

下善謙下
于善人

不藏賄不從欲

施舍不倦求善不厭是以有國不亦宜乎我先君文

公狐季姬之子也有寵于獻好學而不貳生十七年

有士五人有先大夫子餘子犯以為腹心有魏犢賈

佗以為股肱

士五人狐偃趙衰顓頊魏武子司空季
子也子餘即趙衰子犯即狐偃魏犢即

魏武子賈佗不在五
人列蓋叔向所賢

有齊宋秦楚以為外主

齊妻以
女宋贈

以馬楚子享
之秦伯納之

有藥卻狐先以為內主

謂藥枝卻穀
狐突先軫也

亡

十九年守志彌篤惠懷棄民

惠公懷公不恤民也

民從而與之

獻無異親民無異望

獻公之子九人惟文公在

天方相晉將何以

代文此二君者異于子干共有寵子國有與主

謂棄疾

無施于民無援于外去晉而不送歸楚而不迎何以

冀國

公羊傳

比已立矣其稱公子何

據齊公子商人弑其君舍立未踰年見弑稱君

其意不當也

不欲當君位

其意不當則曷為加弑焉爾比

之義宜乎效死不立大夫相殺稱人此其稱名氏以

弑何言將自是為君也

故使與弑君而立者同文

穀梁傳

當上之辭也當上之辭者謂不稱人以殺乃以

君殺之也

稱人以殺謂若衛人殺州吁于濮是也今比實不弑故以君殺大夫之辭言之討

賊以當上之辭殺非弑也

實有弑君之罪則人人皆欲殺宜稱人以殺之今言

楚公子棄疾殺公子比明棄疾所殺非弑君之人比之不弑又一驗也

比之不弑有四

其三在前傳合此為四

取國者稱國以弑

若比欲取國而弑君則當直云楚比弑其

君虔如衛州吁弑其君完齊無知弑其君諸兒之類不應言公子也

楚公子棄疾殺公

子比比不嫌也

今棄疾殺之又言殺公子比不言弑其君是比無欲為君之嫌

春秋

不以嫌代嫌

不以亂治亂之義

棄疾主其事故嫌也

比實無弑君之

罪而棄疾主殺之是棄疾有欲為君之嫌

棄疾立比為王己為司馬則己君比矣宜以弑書而曰公子比何也比之立及其見殺不過旬月君臣之分未定也若書弑其君比則疑於齊舍為嗣世之正書楚人殺比則棄疾疑於石碣雍廩得討賊之義故以公子殺公子書而棄疾險詐怙亂竊國之罪不可掩矣

秋公會劉子晉侯齊侯宋公衛侯鄭伯曹伯莒子邾子

滕子薛伯杞伯小邾子于平丘

平丘杜注陳留長垣縣西南漢置平丘縣晉廢

今故城在河南陳留縣北

南陳留縣北

左傳晉成虎祁

年在八

諸侯朝而歸者皆有貳心為取鄭

故

取鄭在十年

晉將以諸侯來討叔向曰諸侯不可以不

示威乃竝徵會告于吳秋晉侯會吳子于良

良杜注下邳有

良城縣在今江南邳縣

水道不可吳子辭乃還七月丙寅治兵

于邾南甲車四千乘

三十萬人

羊舌鮒攝司馬

鮒叔向弟

遂合

諸侯于平丘子產子大叔相鄭伯以會子產以幄幕

九張行

幄幕軍旅之帳

子大叔以四十既而悔之每舍損焉

及會亦如之

亦九張也傳言子產之適宜大叔之從善

次于衛地叔鮒求

貨于衛淫芻蕘者

欲使衛患之而致貨

衛人使屠伯饋叔向羹

與一簋錦

屠伯衛大夫

曰諸侯事晉未敢攜貳况衛在君

之宇下而敢有異志芻蕘者異于他日敢請之

請止之

叔向受羹反錦

受羹示不逆其意且非貨

曰晉有羊舌鮒者瀆貨

無厭亦將及矣

將及禍

為此役也

役事也

子若以君命賜

之其已客從之未退而禁之

禁芻蕘者

晉自重丘以後會盟皆大夫至是昭公即位會楚
內亂再合諸侯劉子臨之正可以有為之機也叔
向號稱賢者不能導其君樹德修禮以懷諸侯而
反欲脅之以威不知晉政多門諸卿各固其私甲
車雖衆莫肯盡力於公其為列國所窺察久矣是
以齊欲廢盟鄭人爭承魯有違言而晉自是不能
復合諸侯列國君大夫皆旅見於楚矣

八月甲戌同盟於平丘公不與盟

左傳

晉人將尋盟齊人不可

有貳心故

晉侯使叔向告劉獻

公曰

獻公王卿士劉子

抑齊人不盟若之何對曰盟以底信

底致也

君苟有信諸侯不貳何患焉告之以文辭董之

以武師雖齊不許君庸多矣

庸功也討之有辭故功多

天子之老

請帥王賦元戎十乘以先啟行遲速唯君

欲佐晉討齊

叔

向告于齊曰諸侯求盟已在此矣今君弗利寡君以

為請對曰諸侯討貳則有尋盟若皆用命何盟之尋

託用命以拒晉

叔向曰國家之敗有事而無業事則不經業貢

賦之

有業而無禮經則不序

須禮而有次序

有禮而無威序

則不共

禮須威嚴而後共

有威而不昭共則不明

威須昭告神明而後

信義

不明棄共百事不終所由傾覆也

信義不明則棄威不威棄

禮無禮無經無經無業故百事不成

是故明王之制使諸侯歲聘以志

業

志識也

閒朝以講禮再朝而會以示威再會而盟以

顯昭明志業于好

聘也

講禮于等

朝也

示威于衆

會也

昭明

于神

盟也

自古以來未之或失也存亡之道恒由是興

晉禮主盟懼有不治奉承齊犧而布諸君

齊盟之犧牲

求

終事也君曰余必廢之何齊之有唯君圖之寡君聞

命矣齊人懼對曰小國言之大國制之敢不聽從既

聞命矣敬共以往遲速唯君叔向曰諸侯有間矣不

可以不示衆八月辛未治兵建而不旆

建立旌旗不曳其旆旆游

也壬申復旆之諸侯畏之

軍將戰則旆故曳旆以恐之

邾人莒人

愬于晉曰魯朝夕伐我幾亡矣我之不共魯故之以

晉侯不見公使叔向來辭曰諸侯將以甲戌盟寡君

知不得事君矣請君無勤

託謙辭以絕魯

子服惠伯對曰君

信蠻夷之訴

蠻夷謂邾莒

以絕兄弟之國棄周公之後亦

唯君寡君聞命矣叔向曰寡君有甲車四千乘在雖

以無道行之必可畏也況其率道其何敵之有牛雖

瘠債于豚上其畏不死

債什也

南蒯子仲之憂其庸可

棄乎

棄猶忘也

若奉晉之衆用諸侯之師因邾莒杞鄆之

怒以討魯罪閒其二憂

因南蒯子仲二憂為閒隙

何求而弗克魯

人懼聽命

不敢與盟

甲戌同盟于平丘齊服也

經所以稱同

令

諸侯日中造于除

除地為壇會盟處

癸酉退朝子產命外僕

速張于除

張幄幕

子大叔止之使待明日及夕子產聞

其未張也使速往乃無所張矣

地已滿也傳言子產每事敏于大叔

及

盟子產爭承

承貢賦之次

曰昔天子班貢輕重以列列尊

貢重周之制也

公侯地廣故所貢者多

卑而貢重者甸服也

甸服

謂天子畿內共職貢者

鄭伯男也而使從公侯之貢懼弗給也

敢以為請諸侯靖兵好以為事行理之命

行理使人通聘問者

無月不至貢之無藝

藝法制

小國有闕所以得罪也諸

侯修盟存小國也貢獻無極亡可待也存亡之制將
在今矣自日中以爭至于昏晉人許之既盟子大叔
咎之曰諸侯若討其可瀆乎瀆易也子產曰晉政多門
貳偷之不暇何暇討國不競亦陵何國之為

穀梁傳

同者有同也同外楚也公不與盟者可以與而
不與譏在公也其日善是盟也

楚棄疾立內施德惠外撫鄰國晉人恐懼又諸侯
多貳故載書要言曰同不書諸侯劉子亦與盟也

或謂揭公於不與盟之上則是不與盟之意主於魯非也沙隨不見公不可言公不見晉侯此不與盟不可言諸侯不盟公屬辭之體然也若魯不願盟則其赴會何為乎

晉人執季孫意如以歸

左傳

公不與盟晉人執季孫意如以幕蒙之使狄人守

之司鐸射懷錦奉壺飲冰以蒲伏焉

司鐸射魯大夫蒲伏竊往飲季

孫冰箭簫蓋可以取飲

守者御之乃與之錦而入晉人以平子

歸子服湫從

湫惠伯

三家不臣之罪至意如極矣擅兵取邑中分魯國以自封殖至使君若贅旒民忘其上討而執之固其宜矣而不得為霸討何也晉人若能徵邾莒赴訴之辭究南蒯子仲奔叛之故請於天子以大義誅意如正三桓之罪歸其地與民於公則魯國順正諸侯威懷而霸事可復興矣乃徒辱魯君而不察其情雖執意如而不正其罪安得為霸討乎蓋

由諸卿曲庇季氏而晉君亦不得為政爾

附錄
左傳

子產歸未至聞子皮卒哭且曰吾已

已猶
決竟

無為

為善矣唯夫子知我

言子皮知
己之善

仲尼謂子產于是行

也足以為國基矣詩曰樂只君子邦家之基

詩小
雅

子

產君子之求樂者也且曰合諸侯藝貢事禮也

藝治
也

公至自會

公羊
傳

公不與盟者何公不見與盟也

言不為
晉所許

公不見

與盟大夫執何以致會不恥也曷為不恥諸侯遂亂

反陳蔡君子不恥不與焉

時諸侯將討棄疾棄疾乃封陳蔡之君使說諸侯諸

侯由是遂還不復討

楚楚亂遂成故云爾

公雖不與盟然已與平丘之會矣故以會致

附錄鮮虞人聞晉師之悉起也

五年傳曰遺守四千今甲車四千乘故為

悉起而不警邊且不修備晉荀吳自著雍以上軍侵鮮

虞及中人

中人社注中山望都縣西北有中人城在今直隸唐縣境

驅衝競

驅衝車與

秋爭

大獲而歸

蔡侯廬歸于蔡陳侯吳歸于陳

左傳楚之滅蔡也靈王遷許胡沈道房申于荆焉

滅蔡在十

一年許胡沈小國也道房申皆故諸侯楚滅以為邑徙其人于荆山房杜注汝南有吳房縣即房國今河南遂平縣有吳房城平王即位既封陳蔡而皆復之禮也隱大

子之子廬歸于蔡禮也悼大子之子吳歸于陳禮也

隱大子世子有也廬蔡平侯悼大子偃師也吳陳惠侯

公羊

此皆滅國也其言歸何

據歸者有國辭

不與諸侯專封

也

穀梁

善其成之會而歸之故謹而日之

二國獲復平丘盟之力也

故于其歸追述前盟
謹日之以美其功

此未嘗有國也使如失國辭然

者不與楚滅也

陳蔡皆見滅於楚矣廬與吳未嘗有國也而書歸
于蔡歸于陳如固有其國者然先王建國非楚虜
所得滅也廬與吳未嘗有位也而書蔡侯陳侯如
固有其位者然周室班爵非楚棄疾所得封也不
言自楚義亦如此

冬十月葬蔡靈公

左傳 冬十月葬蔡靈公禮也

國復成禮以葬也

穀梁傳

變之不葬有三

變之謂改常禮

失德不葬弑君不葬滅

國不葬然且葬之不與楚滅且成諸侯之事也

當蔡世子有被圍諸侯環視不救及廬復國乃相率而葬靈公靈公者世子般也曾是以為邦交之禮乎

公如晉至河乃復

左傳 公如晉荀吳謂韓宣子曰諸侯相朝講舊好也執

其卿而朝其君有不好焉不如辭之乃使士景伯辭

公于河

士景伯文伯之子彌牟也

公如晉請季孫也晉復拒公蓋晉卿陰庇意如固將歸之故辭公而專以市其私德耳

吳滅州來

左傳

吳滅州來令尹子旗請伐吳王弗許曰吾未撫民

人未事鬼神未修守備未定國家而用民力敗不可

悔州來在吳猶在楚也子姑待之

傳言平王所以能有國

州來楚之附庸實邊邑也成六年吳嘗入焉茲復
乘楚亂而滅之十九年傳載楚城州來是吳雖滅
之而不能有也

附錄
左傳

季孫猶在晉子服惠伯私于中行穆子曰魯事

晉何以不如夷之小國魯兄弟也土地猶大所命能
具若為夷棄之使事齊楚其何瘳于晉

瘳差也猶
言益也

親

親與大賞共罰否所以為盟主也子其圖之諺曰臣

一主二吾豈無大國

言不合則去而他事魯
尚有齊楚不獨晉也

穆子告

韓宣子且曰楚滅陳蔡不能討而為夷執親將焉用

之乃歸季孫惠伯曰寡君未知其罪合諸侯而執其

老若猶有罪死命可也死晉命也若曰無罪而惠免之諸

侯不聞是逃命也何免之為請從君惠于會欲于會盟時見

遣以暴魯之無罪爭國體也宣子患之謂叔向曰子能歸季孫乎

對曰不能鮒也能乃使叔魚鮒字叔魚叔魚見季孫曰昔

鮒也得罪于晉君襄二十一年叔魚坐叔虎與欒氏黨竝得罪自歸于魯

君微武子之賜不至于今武子平子之祖雖獲歸國于晉猶

子則肉之敢不盡情歸子而不歸鮒也聞諸吏將為

子除館于西河

西使近河

其若之何且泣


泣以信其言

平子懼

先歸惠伯待禮

待見遣之禮

日講春秋解義卷五十一



覆校官檢討臣季學錦

校對官庶吉士臣閔惇大

謄錄舉人臣嚴儀